

ՀԱՂՈՐԴՈՒՄՆԵՐ

ՈՒՐԱՐՏԱԿԱՆ ԱԵՊԱԳԻՐ ԱՐՁԱՆԱԳՐՈՒԹՅՈՒՆՆԵՐԻ ԿՈՐՊՈՒՍԸ

Մեզ հանձնարարված էր կազմել ուրարտական սեպագիր արձանագրությունների կորպուսը: Նպատակահարմար համարեցինք նախ աշխատել Սովետական Հայաստանի, ապա Սովետական Միության տերիտորիայում գտնվող արձանագրությունների վրա, քանի որ այս դեպքում միանգամայն հնարավոր է բնագրերի ուսումնասիրության հիման վրա ճշտել նախորդ ընթերցումները, իսկ հետագայում հնարավոր կլինի ճշտել նաև այն տեքստերը, որոնց բնագրերը մեզ համար դեռևս անմատչելի են (գտնվում են Սովետական Միության սահմաններից դուրս):

1950 թ. պլանով պետք է առանձին պրակով պատրաստվեր Սովետական Հայաստանի տերիտորիայում հայտնաբերված ուրարտական արձանագրությունների ժողովածուն. այսպիսի մի աշխատանք 1896 թվին կատարել է ռուս խոշոր գիտնական Մ. Նիկոլսկին: Սակայն, Մ. Նիկոլսկու այդ աշխատությունը, իր անուրանալի արժանիքներով հանդերձ, շատ դեպքերում թյուրիմացության մեջ է զոյում այսօրվա ուսումնասիրողին այն պարզ պատճառով, որ ուրարտագիտության վերջին 50—60 տարվա ընթացքում ձեռք բերած նվաճումները հնարավոր են դարձրել բոլորովին նոր մեկնաբանություն տալ այդ տեքստերին, որով և հաճախ փոխվում են պատմական արժեք ունեցող եղբայրացությունները:

Բացի դրանից, Սովետական Հայաստանի տերիտորիայում 1896 թվից հետո հայտնաբերվել են մի շարք նոր արձանագրություններ, որոնք հրատարակված են ցաք ու ցրիվ, տարբեր ամսագրերում և երբեմն չեն բավարարում ուղարտագիտության այսօրվա պահանջներին: Այսպես, օրինակ, հայտնաբերված են 1893 թվին՝ աղյուսի վրա յոթ տողանի մի արձանագրություն Արմավիրում, 1896 թվին՝ Շահրիարի արձանագրությունը, 1900 թվին՝ Չվարթնոցի կոթողը, 1908 թվին՝ Սարգուր Ի-ի 28 տողանի արձանագրությունը Արմավիրում, 1912 թվին՝ Թալիշի (Արուճ) արձանագրությունը, 1927 թվին՝ Նոր-Բայազետի, 1928 թվին՝ Ջանֆիդայի արձանագրությունը, 1940 թվին՝ Կարմիր-Բլուրի բրոնզե վահանը, 1947 թվին՝ Կարմիր-Բլուրի բրոնզե սաղավարտի արձանագրությունը, 1950 թվին՝ Արինբերդի երկու արձանագրությունները և այլն:

Մյուս կողմից՝ Կարմիր-Բլուրի սիստեմատիկ պեղումները ցույց են տալիս, թե որքան կարևոր է ուրարտական կուլտուրայի ուսումնասիրությունը ընդհանուր պատմության համար ընդհանրապես և Հայաստանի (նաև Անդրկովկասի) պատմության ուսումնասիրության համար հատկապես:

1950 թ. մենք հավարել ենք նախատեսված պրակը կազմող արձանագրությունների տեքստերը: Սրանք հիշատակում են ուրարտական հինգ թագավորի անուն՝ Արգիշտի Ա, Սարգուր Բ, Ռուսա Ա, Ռուսա Բ և Ռուսա Գ, այսինքն՝ Ուրարտուի հզորացման օրերից (8-րդ դար մեր թվ. առաջ) մինչև նրա վերջին շառավիղը՝ Ռուսա Բ-ը:

Պրակը բնագրվում է հետևյալ արձանագրությունները:

Արգիշտի Ա-ից՝ մինչև այժմ մեր տերիտորիայում հայտնաբերված է 15 արձանագրություն, որից երեքը բրոնզե երկու վահանի վրա: Դրանք են.

1. Հոկտեմբերյանի (Սարգարաբադի) արձանագրությունը, 14 տող, շինարարական բնույթի. հաղորդում է հոյակապ բերդի կառուցման մասին, որը կոչվում է Արգիշտականք. տեքստը խոսում է բերդը պատրաստելու, Մունա (Արաքս) գետից առուներ անցկացնելու, ծառեր տնկելու և այլ ձեռնարկություններ կատարելու մասին:

2. Ղարազալայի արձանագրությունը՝ 10 տող, շինարարական, հաղորդում է Ջրանցքի կառուցման մասին, որ կառուցում է Արգիշտին Սալդ աստծու մեծությունը, նրա հրամանով:

3. Արինբերդի (Ղանլիթափայի) 4 տող արձանագրութունը, շինարարական, հաղորդում է 10100 kapl(?)-ով 'ar՝ կառուցելու մասին:

4. Արինբերդի 13 տող արձանագրութունը, շինարարական բնույթի. հաղորդում է հոյակապ բերդ կառուցելու մասին, որը Արգիշտին կոչում է քաղաք Իրրունի, խոսում է այդտեղ հզոր ձեռնարկութուններ կատարելու մասին ի փառս Բիայնա երկրի և ի սարսափ թշնամու երկրի:

5. և 6. Շահրիարի և Ղաղանչիի արձանագրութունները, կրոնա-շինարարական բնույթի, հաղորդում են տաճարի կառուցման մասին:

7. Թափաղիբի (այժմյան Արմավիր գյուղի մոտ) 13-ական տող երկու բեկորները, որոնք կազմում են մի մեծ արձանագրության աջ և ձախ մասերը, չի գտնված միջին քարը, ինչպես և, հավանաբար, շարունակութունը կազմող ցածի երեք քարերը: Տեքստը կրոնա-ծիսակատարական է, որ հաղորդում է, թե ինչպես Արգիշտին՝ Արգիշտիխինայում՝ թշնամու երկրին (Աղայան) սահմանված հողում, նվիրարբութուններ է կատարում Պալղուն, որի զիմաց, բոստ երևույթին, բրմական երարխիան որոշ զոհարբութուններ ու արարողութուններ է մատուցում Արգիշտու անվամբ (հիշենք հայկական վիմագրերի տեքստերը):

8. Արմավիրի 11 տող արձանագրութունը, որը կազմում է առնվազն վեց նման քարի վրա փորագրված մեծ արձանագրության միայն միջին մասը. թեև և՛ սկզբից, և աջ ու ձախ կողմերից թերի է, սակայն հիմնական իմաստը պարզ է. տեքստը կրոնա-ծիսակատարական է, հաղորդում է ինչ-որ առարկաներ նվիրելու, զուշակութունների ու արջառ, երինջ, ոչխար, դառ Պալղուն զոհարբելու մասին: Հաղորդում է նաև զոհարան ու Է. sirihani (թերևս զոհասեղան) կառուցելու մասին:

9. Էլարի արձա՞հ գրութունը՝ 10 տող, ռազմական բնույթի. Պալղը արշավում ու նվաճում է Etiuni երկիրը. խալդյան փառքով արշավում է Արգիշտին և նվաճում է Ուլուանի (Uluani) երկիրը, Դարանի (Daarani) քաղաքի հողը:

10. Մարմաշենի (Ղանլիջայի) արձանագրութունը՝ 5 տող, ռազմական բնույթի, տեքստը հաղորդում է, որ Արգիշտին նվաճում է Էրիախի (Eriahi) երկիրը, նվաճում է Իրդանիունի (Irdaniuni) քաղաքը մինչև Իշկիգուլու (Iškigulu) երկիրը:

11. Կուլիջանի արձանագրութունը՝ 7 տող, ռազմական բնույթի, տեքստը հաղորդում է, որ Պալղը արշավում և նվաճում է Կուլիաինի երկիրը (Kuuliani), ձգում է այն Արգիշտու առջև, Արգիշտին նվաճում է Դուրուբանի (Durubani) քաղաքը, Կուլիաինի երկրի (?):

12. Լճաշենի (Օրդարլուի) արձանագրութունը՝ 9 տող, ռազմական բնույթի. տեքստը հաղորդում է, որ Արգիշտին նվաճում է Կիեխունի (Kiehuni) քաղաքի երկիրը (= հողը?), հատում է (?) այն մինչև քաղաքը Իշտիկունի (Ištikuni) ծովեզրյա (?):

Թեև վերջին երեք արձանագրութունները չեն հիշատակում Արգիշտիի հայրանունը, բայց անկասկած սրանք պատկանում են Արգիշտի Ա մեծ նվաճողին:

Վերջին չորս արձանագրութունից բացի՝ նախորդները կառուցողական մասեր են՝ որմնաքարեր, սյան խարխուլներ, սանդղաձև քարեր և այլն:

13 և 14. արձանագրութունները փորագրված են մեկ մետր տրամագիծ ունեցող, 1940 թվին Կարմիր-Բլուրից հայտնաբերված բրոնզե վահանի եզրին՝ երկու շրջագծով, իրենց բնույթով նվիրարբերական հն:

15. Կարմիր-Բլուրի փորելի վահանի բրոնզե կոնաձև ղլխիկի եզրին կարգացվում է միայն Արգիշտիի հայրանունը:

Արգիշտի Ա-ի հաջորդից՝ Սարգուր Բ-ից, մեր տերիտորիայում հայտնաբերված է 10 արձանագրութուն, որից մեկը բրոնզե սաղավարտի եզրին՝ գտնված 1947 թ. Կարմիր-Բլուրից:

1. (16). Արինբերդի 9 (11) տող արձանագրութունը, շինարարական բնույթի է, տեքստը հաղորդում է (1)5100 kapl(?)-ով Է. 'ar՝ կառուցման (բարձրացման) մասին, որին հաջորդում է արքայական տիտղոսաշարը:

1 Եւ ոչ թե Աղան, ինչպես կարծել են նախորդ ուսումնասիրողները:

2. (17) Ջանֆիդայի արձանագրութիւնը՝ 10 տող, կրօնա-շինարարական բնույթի. Սարգուրը հիմնում է «կրակատուն» (կամ պարտեղ), կառուցում է տաճար (և ոչ թե բերդ) և կոչում է այն Սարգուրի անունով:

3. (18) Արմավիրյան 28 տող արձանագրութիւնը, որը չափազանց հետաքրքիր ծիսակատարական բովանդակութիւն ունի և գրված է Արդիշտու ու Սարգուրի անունով, ի պատիւ որոնց զինու ծես է մատուցվում, դուշակութիւն է արվում սահմանված ձևով՝ բերդը և այլ ձեռնարկութիւններ, ըստ երևույթին, անսասան պահելու համար. վերջում տրվում է անեծքի ընդարձակ ֆորմուլան՝ բերդը լքողի, պարխսպն ու ձեռնարկութիւնները ավերողի, արձանագրութիւնը փչացնողի հասցեին:

4. (19) Արմավիրի 13 տող արձանագրութիւնը, կրօնական, նվիրատվական. տաճարը, խալդյան հոյակապ դռները նվիրաբերվում են Պալղ աստծուն՝ յուր տիրոջը:

5. (20) Բամրակաշատի (Մուլա-Բայազետ) 10 տողանի խիստ ֆրասոված արձանագրութիւնը, կրօնական-նվիրաբերական. Սարգուրը տաճարը կառուցում է որպէս նվեր Պալղուն՝ յուր տիրոջը: Կառուցում է, հավանաբար, նաև խալդյան դռներ և կոչում է կամ իր անունով, կամ Պալղ աստծու անունով:

6. (21) Բամրակաշատի (գտնված 1881 թվին) և Թալիշի (գտնված 1912 թվին) 8 տող արձանագրութիւնները. տարբեր ժամանակներում և տարբեր տեղերում գտնված այս երկու բարը կազմում են իրար շարունակութիւն. Թալիշի արձանագրութիւնը չափով մի քար պակասում է սկզբից, որի տեքստը վերականգնում ենք մի այլ արձանագրութիւն (Նիկոլսկի № 13) անալոգիայով (այստեղ՝ հաջորդ արձանագրութիւնը):

7. (22) Բամրակաշատի 12 տող արձանագրութիւնը, որ հիմնականում նախորդ տեքստի կրկնութիւնն է: Այս երկու տեքստերը նույնպես նվիրաբերական բնույթի են, նվիրաբերութիւնը կատարվում է հանուն Սարգուրի մեծութեան, փառքի, երկարակեցութեան ու երջանիկ օրերի:

8. (23) Կարմիր-Բլուրի սաղավարտի արձանագրութիւնը, նվիրաբերական բնույթի՝ նման Արդիշտի Ա-ի վահանի վրայի տեքստին:

9. (24) Աղամխանի արձանագրութիւնը՝ 7 տող, ռազմական բնույթի. տեքստը հաղորդում է, որ Սարգուրը թագավորանիստ Թուլիսունի քաղաքի Մինալիրի թագավորին կովի մեջ նվաճում է և Մինալիրի մարդկանց ու կանանց kutu-bi հետապնդում է (?) մինչև Ուղուրի-էտինի երկիրը:

10 (25) Ջաղալուի արձանագրութիւնը՝ 9 տող, ռազմական բնույթի. տեքստը հաղորդում է, որ Պալղը արշավում և նվաճում է Արդուկինի (Arkukini) երկիրը, ապա արշավում է Սարգուրը և զրավում նույն Արդուկինի երկիրը մինչև Ուրտախինի (Urdéhiini) երկիրը:

Սարգուր Բ-ին հաջորդում է Ռուսա Ա-ն, որի անունով մեր տերիտորիայում գտնված ընդամենը երկու արձանագրութիւն է հայտնի:

1. (26) Մովինարի (Քյուլանդաանի) արձանագրութիւնը՝ 20 տող. ռազմաշինարարական բնույթի. չափազանց կարևոր մի տեքստ է, որը թվարկում է հպատակեցված 23 երկրանուն, իսկ վերջում հաղորդում է հոյակապ բերդի կառուցման մասին, որ Ռուսան կոչում է Թեյշերա աստծու քաղաք՝ ի փառս Բիայնա երկրներին:

2. (27) Նոր-Բայազետի արձանագրութիւնը՝ 8 տող, նույնպես ռազմաշինարարական. տեքստը հաղորդում է, որ Ռուսան նվաճել ու ստրկացրել է Վիլիկուխի երկրի թագավորին, փոխարքա է դրել այնտեղ, խալդյան դռներ ու հոյակապ բերդ է կառուցել, որը անվանել է Պալղու քաղաք՝ ի փառս Բիայնա երկրների, ի սարսափ թշնամու երկրի:

Թեև նույնպես թվով քիչ, բայց ոչ պակաս հետաքրքրական են Ռուսա Բ-ի անվամբ մեր տերիտորիայում հայտնաբերված արձանագրութիւնները.

1. (28) Ջվարթնոցի արձանագրութիւնը՝ 47 տող, նվիրաբերական մի կոթող է, որ հաղորդում է նաև շինարարական աշխատանքների մասին, ինչպես ծառատունկի, ջրանցքի անցկացման և այլնի մասին: Այս թվարկվում է Պալղ, Թեյշերա ու Արդինի աստվածներին նվիրած զոհաբերումները: Սրան հաջորդում է արքայական տիտղոսաշարը ու վերջում անեծքի ընդարձակ ֆորմուլան:

2. (29) Կարմիր-Բլուրի (Չարբախի) արձանագրութիւնը՝ 6 տող, որը առիթ դարձավ Կարմիր-Բլուրի սխտեմատիկ պեղման. ըստ երևույթին շինարարական(?)—նվիրաբերական մի մեծ արձանագրութիւն բեկոր է, որը պահպանել է միայն անեծքի ֆորմուլայից փշրանքներ:

3. (30) Կարմիր-Բլուրի բրոնզե զոան փակի արձանագրությունը, որի տեքստն է՝ «Արգիշտյան Ռուսայի զինանոցն (է) Թեյեբյան քաղաք (անվամբ)»:

Վերջապես մեր տերիտորիայում հայտնաբերված է երեք տողանի մի փոքրիկ արձանագրություն, որը հիշատակում է Ռուսա Գ-ին՝ ուրարտական վերջին տիրոջին. շինարարական բնույթի, հաղորդում է, որ Ռուսան 1432 kapi(?)-ով բարձրացրել է (կառուցել է) Է. 'ari:

Սովետական Հայաստանի տերիտորիայում գտնված են նաև առանձին բեկորներ, որոնք չեն սլահպանել հեղինակի անունը. մենք հնարավորություն սահմաններում մեկնարանում ենք նաև այդ անանուն տեքստերը. որոնցից Լ, Բ և Դ բեկորները անկասկած շինարարական բնույթի տեքստեր են, իսկ Ե՝ բեկորը՝ կրոնա-ծիսակատարական:

Արձանագրությունները հաճախ ավարտվում են արքայական տիտղոսաշարով, երբեմն էլ անեծքի ֆորմուլայով:

Թեև այս արձանագրությունների հայտնաբերումը արդյունք է հիմնականում ոչ սխտեմատիկ սկզբունքների, այնուամենայնիվ նրանց ուսումնասիրությունը բերում է մեզ հետևյալ եզրակացությունների. նախ՝ այդ արձանագրությունները խոշոր նշանակություն ունեն ուրարտերեն լեզվի ու կուլտուրայի մասին եղած տեղեկությունները հարստացնելու, շատ բան ճշտելու, լրացնելու իմաստով: Լիս տեքստերը պարունակում են մոտ 250 բառ (ուրարտերենի՝ մեզ հասած ողջ բառապաշարը հավասար է մոտ 400 բառի), որի համարյա մեկ երրորդից ավելին կամ բոլորովին չի հանդիպում այլ արձանագրություններում, կամ 1—3 դեպքով է հայտնի և հաճախ մեր տեքստերի օգնությամբ է, որ ճշտվում կամ սլարդվում է նրանց իմաստը, մանավանդ որ ուսումնասիրության ենթակա տեքստերը, հատկապես իրենց կրոնա-ծիսակատարական ու շինարարական աշխատանքների հաղորդումներով, մասամբ, իսկ որոշ դեպքերում՝ զգալի կերպով (Թափաղիրի արձանագրությունները, Զվարթնոցը, Սարգուր Բ-ի 28 տողանի արձանագրությունը և այլն) հետևում են ուրարտական սեպագիր տեքստերին հատուկ շարունակից, կիրառում են նոր բառեր, նոր կապակցություններ և այլն: Լիսպես օրինակ՝ a-ma-ni, ar-di-a ni, a-nu-ni, gu-bu-uš-ta-li, i-ḥa-i-du-še IR-aštubi (=ստրկացնել), որը հնարավորություն է տվել մինչև այդ նման կապակցության մեջ հանդիպող buraaštubi բառի իմաստը հասկանալու, KI-ni (մենք <Y> <Y> նշանները ըմբռնում ենք KI-ni—հոգ, սահման գաղափարադիրը, ըստ Meissner-ի № 194 սեպախումբը, և ոչ թե ki-ni, որ սլարդ չէ, թե ինչ է նշանակում). nuulduali taamḥubi, 'ari, kapiištini, kulietuni, giei, guni, uriš-husi և այլ բաղաձայնի բառեր ու դարձվածքներ, որոնց շուրջը մենք աշխատության մեջ մեկ առ մեկ կանգ ենք առնում:

Այնուհետև՝ հետաքրքրական է այն փաստը, որ Սովետական Հայաստանի տերիտորիայում ռազմական բնույթի արձանագրություններ անհամեմատ քիչ թվով է հասել մեզ, բնորոշ են 8 արձանագրություն: Մնացած 23 արձանագրությունը և 4 բեկորները շինարարական ու կրոնա-ծիսակատարական բնույթի են, ըստ որում մեծ մասը (19 արձանագրություն) սլատկանում է Արգիշտի Լ-ին և Սարգուր Բ-ին: Սա սլատահական երևույթ չէ. ուրարտական սլատության հզորացումը զգալի չափով կատարվում է Արարատյան դաշտավայրի նվաճման հաշվին: Մեր համոզմամբ, մեր թվարկությունից առաջ 8-րդ դարում Արարատյան դաշտը իր Արգիշտիխինիլի (Արմավիր) կենտրոնով հենց հանդիսանում էր Ուրարտուի երկրորդ վարչատնտեսական, ռազմա-քաղաքական ու կուլտուր-կրոնական վայրը. Վանը, ըստ երևույթին, արդեն չէր ապահովում ուրարտական տիրապետության կայունությունը, հավանաբար անհրաժեշտ էր ունենալ նոր տնտեսական ու ռազմական բազա Դեռես Մենուան, որը տիրում էր Վանի շրջակայքում (և այդ է սլատահառը, որ այնտեղ հայտնաբերված արձանագրությունների մեծագույն մասը հիշատակում է Մենուա մեծ շինարարին), արդեն դուրս էր եկել Վանի շրջակայքից և թագավորանիստ քաղաք էր դարձրել Բաշրուտունը (Մենուախինիլի)՝ Արաքսի աջ փնին:

Անշուշտ այդ է թելադրել ժամանակի իրադրությունը և ի դուր չէ, որ Արգիշտին շարունակում է հոր քաղաքականությունը, ամբանում է Արարատյան դաշտում և իր ողջ ռազմա-շինարարական գործունեությունը կենտրոնացնում է այդտեղ. իսկ Սարգուրը աշխատում է իր հոր նվաճումներն ամուր սլահի և զբաղվում է հատկապես կրոնա-շինարարական ու նվիրարական աշխատանքներով: Բնորոշ է, որ բերդերի կառուցման մասին հիշատակում են միայն Արգիշտի արձանագրությունները— Հոկտեմբերյանի (Սարգարարաղի)

և վերջերս Արինբերդից հայտնաբերած 13 տող արձանագրությունը. առայժմ մեզ հայտնի տվյալներով Արգիշտի Ա-ը բերդ (Ê. GAL) է կառուցել Արմավիրում և Արինբերդում՝ նախորդ ուսումնասիրողների կողմից մեր տերիտորիայում հայտնաբերած Սարգուր Բ-ի տեքստերում վերականգնած E. GAL-ը (բերդ) բոլոր դեպքերում սխալ է. Ջանֆիդայի արձանագրության շորրորդ տողում չի կարող E. GAL լինել, որովհետև վերջին GAL

( $\sum Y >$ ) նշանի համար քարի վրա տեղ չկա, իսկ գաղափարագրի բաղկացուցիչ այդ մասը դժվար թե երկրորդ քարին տեղափոխված լինի. հօգուտ այս ենթադրության է խոսում ամբողջ տեքստը՝ իր կրոնական բնույթով: Բամբակաշատի 10 տող մնացած արձանագրության երկրորդ տողի շարունակության մեջ, մեր համոզմամբ, նույնպես ճիշտ չէ E. GAL-ի վերականգնումը: Առաջին տողի (IdSar-du-ri-se) ընթերցումը ցույց է տալիս, որ երկրորդ տողը համապատասխան տեղում պարունակելու է 4—7 սեպտետներ և, ուրեմն, Ê. GAL-ը ( $\sum Y Y Y \sum Y >$ ) չի կարող ծածկել պակասող ողջ տողը. կարծում ենք այդտեղ հղել է dHal-di-na-ni KA = «Պալդյան դռներ» (կամ նման բան):

Հետաքրքրական է, որ վերջերս Արինբերդից գտնված Սարգուր Բ-ին հիշատակող գրեթե միակ շինարարական արձանագրությունը խոսում է ոչ թե բերդի՝ E. GAL-ի կառուցման մասին, այլ Ե. 'ari-ի, որը մենք սխալ ենք համարում թարգմանել բերդ իմաստով: Նախ այն պատճառով, որ բոլոր դեպքերում Ե. GAL-ի հետ կիրառվում է šidiištuni (=կառուցեց) բայը, իսկ Ê. 'ari-ի կամ ավելի ճիշտ 'ari-ի հետ՝ šuuni (=բարձրացրեց?) բայը. եթե 'ari-ն և Ê. GAL-ը նույն բերդ իմաստն ունենային 'ari-ի հետ երբեմն կարող էր կիրառվել sidiištuni բայը և հակառակը՝ E. GAL-ի հետ՝ šuuni բայը. երկրորդ՝ ըստ երևույթին 'ari-ն կառուցվել է այնտեղ, ուր արդեն նախապես եղել է բերդ. ինչպես այդ տեսնում ենք Արմավիրում, Արինբերդում և այլուր. նույն տեղում երկրորդ բերդ կառուցելու անհրաժեշտություն չէր կարող լինել, մանավանդ որ Արինբերդում բացի E. GAL-ից (բերդ), Արգիշտին՝ վաղուց հայտնի մի արձանագրության մեջ, որ նույնպես գտնված է Արինբերդից (Ղանլիթափայլից) խոսում է 'ari-ի կառուցման մասին: Բոլոր դեպքերում 'ari-ին հաջորդում է՝ որևէ թիվ և kapiišlini դեռևս չպարզված կապակցությունը. kapi-ն թերևս տարածական չափ է, ինչպես ենթադրվում է որոշ գիտնականների կողմից. բայց ի՞նչ բովանդակություն ունի չափը և ի՞նչ կառուցվածք կարող է լինել 'ari-ն, մեր կարծիքով՝ այդ կպարզվի միայն լուրջ պեղումներից հետո, ճարտարապետական չափումներից հետո. եթե բնդունենք, որ 'ari-ն սերդ ուրարտական բառն է, իսկ kapiišlini-ն տարածական չափ է, ապա դժվար է համաձայնվել, որ Արինբերդի ուրարտական 'ari-ները (Արգիշտիի ու Սարգուրի կառուցած) և Արմավիրի 'ari-ն ու այլ վայրերի 'ari-ները իրենց ծավալով շատ տարբեր լինեն իրարից. եթե ուրարտական բերդերը կառուցվել են 10—15 հազար միավորի սահմաններում, իսկ Պաղնոցի արձանագրության մեջ նույնիսկ 19 հազար, ի՞նչպես է, որ Արմավիրում բերդը կառուցվել է ընդամենը 1432 միավորի չափով: Մի բան համենայն դեպս պարզ է, որ 'ari-ն բերդ չէ, այլ մի ուրիշ կարևոր կառուցվածք բերդին կից կամ բերդի ներսում, և որ Արգիշտիի ու Սարգուրի ժամանակ Ուրարտուն Արարատյան դաշտում զբաղվել է լայն շինարարական աշխատանքով:

Սարգուր Բ-ից հետո արդեն շինարարական աշխատանքը անհամեմատ դանդաղում է: Ռուսա Ա-ի անունով մեր տերիտորիայից հասել է ընդամենը երկու արձանագրություն, երկուսն էլ ռազմա-նվաճողական բնույթի կարևոր տեքստեր են (Մովինարը և Նոր-Բայազետը): Պարզ է, որ Սարգուր Բ-ի տիրապետության վերջում արդեն Ուրարտուն նեղվում է նաև Արարատյան դաշտում և Ռուսան ստիպված էր հենց սկզբից ռազմական գործողությունների դիմել, սաստել ապստամբներին ու ծայրամասերում փոխարքաներ նշանակել, ինչպես հաղորդում է Նոր-Բայազետի արձանագրությունը:

Ուրարտուն արդեն զգում էր իր օրհասը. Ռուսա Ա-ն չիր ձեռով ու իր սեփական ձեռքերով է վերականգնում իր պետությունը: Մեր կարծիքով նույնիսկ Ռուսա Բ-ի օրով հայտնի չէ խոշոր կառուցողական ձեռնարկություն: Կարմիր-Բլուրը (Թեյշեբայի քաղաքը) արդյոք մինչ Ռուսան կառուցված չի եղել. եթե ընդունենք, որ Ջվարթնոցի կոթողը խոսում է Կարմիր-Բլուրի շրջակայքում տարված շինարարական աշխատանքների մասին, ի՞նչպես կարող է Ռուսան չհիշատակել այնտեղ բերդի կամ թագավորանիստ այդ

1 Կասկածից դուրս է, որ նման բերդեր պետք է փնտրել և այլուր, նույնիսկ ավելի հյուսիս՝ Լենինականի շրջակայքում, որտեղից ունենք սեպագիր արձանագրություններ: Տեղեկագիր 4—7

կենտրոնի կառուցման մասին, եթե այդպիսին նա կառուցել էր: Սրանք հարցեր են, որ մեր առաջ դնում է տեքստերի ուսումնասիրութիւնը և որոնք վերջնական լուծում կստանան միայն պեղումներից ստացվող լրացուցիչ նյութերի շնորհիվ: Ըսկ շատ հարցեր կպարզվեն, երբ ուրարտական արձանագրութիւնների լրիվ կորպուսը կկազմվի և կուսումնասիրվի սովետական ուրարտագիտութիւնն ու ընդհանրապես սովետական ֆիլոլոգիայի ու պատմագիտութիւնն տեսանկյունից:

Մ. ԻՍՐԱՅԵԼՅԱՆ

Պատմութիւնն ինստիտուտի  
Հնագիտութիւնն և էպիգրաֆիկայի  
սեկտորի կրտսեր ղեկ. աշխատող